

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

Dominica Jubilate.

ne ejus nil planè separabit nos, Rom. 8.v.39.
ambulabimus coram Domino in terra vi-
ventium, Psal. 116. vers. 9. Gaudium mundi
fluxum est & momentaneum, quod docet
exemplum Ammonis, 2. Samuel. 13.v.28.
Eliæ Regis Israel, 1. Regum. 16. v. 9. Aha-
veri, Esth. 1.v.1. seqq. Villici illius Divitis,
Luc. 12. vers. 20. Sed gaudium piorum erit
gaudium sempiternum, Esa. 35. v.10. Patien-
ter igitur sustinete, filii, iram, quæ superven-
it vobis, Baruch 4. v.25. & nolite omittre
confidentiam vestram, quæ magnam
remunerationem habet, Ebr. 10. v.35. non
enim condignæ sunt tribulationes hujus
temporis ad futuram gloriam quæ revelabu-
tur in nobis, Romanor. 8.v.18.

4. *Gaudium perfectum.* Nam in illo die,
inquit Christus, me non interrogabis
quicquam. Insignis hęc est consolatio, quam
Christus ruditati & ignorantia discipulo-
rum opponit, & partim ad diem Penteco-

stes, ubi Spiritus Sanctus apparuit, & in o-
mnem veritatem ipsos deduxit, partim vero
ad cœlestem vitam à Doctoribus refertur,
ubi non docebit ultra vir proximum suum,
& vir fratrem suum, dicens: Cognosce
Dominum. Omnes enim cognoscunt me à
minimo usque ad maximum, ait Dominus
Jer. 31. vers. 34. unde Johannes templum non
vidit in cœlesti Hierosolyma, Apoc. 21. vers.
22. Hic omnis nostra scientia est verbum
defectivum, cuius clausula: Cetera deside-
rantur. Sed ibi veniet quod perfectum
est, & evacuabitur quod ex parte est, 1. Cor.
13. vers. 10. tunc omnia videbimus, sciemus
& intelligemus, quæ oculus hęc non vidit,
auris non audivit, & in cor hominis non de-
scenderunt, 1. Cor. 2. vers. 9. ad quam lati-
tiam & felicitatem nos perducat Christus
Iesus propter sanctissimum suum meritum,
ter benedictus & laudatus in secula seculo-
rum Amen.

Dominica Cantate.

Evang. Job. 16. v. 5. 15.

Cum Deus Eliam curru igneo in cœ-
lum subvehere vellet, tristis erat Eli-
æus famulus ejus, & planè ab ipso
solebat discedere, sed sequebatur ipsum quo-
cunque ibat, dum promittebat ipsi Elias,
fore, ut post discessum spiritus ejus duplo su-
per ipsum requieturus sit, 2. Reg. 2.v.1. sc. qqq.

Idem accidit, cum coelestis Elias de abi-
tu suo concionaretur. Nam discipuli ejus
contristati sunt, ut restatur hodiernum Ev-
angelium, quos per promissionem Spiritus
Sancti erexit, & omnem tristitiam ex cordi-
bus ipsorum exturbavit. Videbimus.

- I. *Spiritus Sancti pollicitationem.*
II. *Officii ejusdem commendatio-
nem.*

J.J.

EXEGESIS.

Tempus est ut revertar ad eam qui mi-
lit me, inquit Raphael perfecta legatio-
ne suā, Tob. 12.v.20. Eodem modo Chri-
stus magni consilii Angelus, Esa. 9.v.6. post
peractum legationis suae negotium. Nunc,
inquit, vado ad eum qui misit me.

Duo

Duo h̄c consideranda veniunt:

1. *Christi abitus.* Per hunc abitum suum figuratē intelligit non tantum terminum ultimum ad quem, nempe ascensionem suam in c̄elos, & lessionem ad dextram patris, sed etiam viam medium ad terminum hunc deducentem, videlicet passionem, mortem & resurrectionem suam, per quam oportebat ipsum introire in regnum c̄elorū, Luc.24. v.26.

Imitemur hunc præcursum, & ad patrem cœlestem cursum nostrum dirigamus, sic enim monet Apostolus Col.3.v.1. præser-tim cum terminus vitæ appropinquit, parati esse debemus cum Paulo Phil.1.v.23. Christus præivit, & hospitium nobis præparavit, Joh.14. v.2. Mori in Scripturis alias dicitur ire viam universæ carnis, Jof.23. v.14. 1. Reg. 2. v.2. h̄c est appellatio valde tristis, quia nos omnes morti obnoxios esse demonstrat, sed longè tristius est, quod mors quorundam descensus ad infernum appellatur, Num.16. v.33. Psal.28.v.1. Psal.88.v.5. quam mortem peccatis nostris omnes meriti eramus, sed Christus suo ad patrem abitu nobis peperit, ut mors nostra sit abitus ad Patrem, transitus ad vitam, Johan.5. v.24. & dulce lucrum, Phil.1. v.21. quia per mortem anima nostra educitur de custodia, Psal.142. v.8. & transfertur in cœlestem Hierosolymam, ubi communionem habebimus cum Patre & Filio, 1. Joh.1. v.3. exultabimus & gaudebimus in sempiternum super his quæ creabit Dominus Esa.65. v.18.

2. *Consequens fructus*, qui duplex:

2. *Adulterinus*, nemo ex vobis, inquit Christus, interrogat me, quò vadis, sed quia h̄c locutus sum vobis, mœstitudo implevit cor vestrum.

Duo Christus culpat his verbis in discipulis suis.

1. *Incuriam*, quod non interroga-bant ipsum, quid per abitum intelligeret. Prudens quæstio descendit existit occasio, vetus adagium: quod germanni ita effere solent: von fragen wird man weiss. Ut igitur Christus hic à discipulis suis requirit, ut interrogent, si verborum sensum non asse-quantur: Ita quando Deus nobiscum agit per crucem, quæramus in verbo, quid sibi velit, & inveniemus, quod sit amara sagitta ex dulci manu Dei, ut Nazianzenus lo-quitur, quā ad Deum ire compellimur, Esa. 26. v.16.

2. *Tristitiam*, quam propter discessum suum concipiebant. Nam doctrina crucis carni nostræ adversa est, & quando audi-mus, quod Christus per crucem regnū suum in nobis incipiat & promoveat, tristamur cum Apostolis, cum potius eo nomine læta-ri deberemus, siquidem per crucem & mor-tem Deus nos ad se & regnum suum vocat & præparat, sicut Josephus Patri & fratribus plaustra mittebat, quibus in Ægyptum sub-vehementur, Gen.45. v.27. Discamus igitur cum Simeone: Nunc dimittis servum tuum Domine in pace, Luc.2.v.29.

2. *Genuinus*, v.7. missio nimirum Sp. S. quam Christus abitu suo impetravit non so-lum Apostolis, Act.2. v.3. sed omnibus in ge-nere credentibus. Est enim ἀπόστολος τῆς κληρονομίας ἡμῶν, Eph.1. v.14. & clamat in cordibus fidelium: Abba Pater, Gal.4.v.6.

Non quidem impedibat visibilis Christi præsentia adventum Sp. Sancti habebant enim Apostoli Spiritum S. etiam ante Christi passionem, quippe quem in baptismo acceperant: Illa tamen visibilis effusio Spi-ritus S. nunquam secuta fuisset nisi Christus

prædicto modo ad Patrem abiisset, immo nos ipsi nunquam in eum amicitæ gradum fuimus recepti à Deo, nisi Christus abiisset, passus & mortuus fuisset, & genus humaanum patris suo reconciliasset. Nam Spir. S. non nisi in reconciliatis habitat, Sap. I. v. 4. Quia verò Christus abitu suo ἡθεοίαν nobis acquisivit Joh. I. v. 12. misit Deus Spiritum filii sui in corda nostra, Gal. 4. v. 6. per peccatum corda nostra, contaminata erant, sed fide in Christum purificantur, Act. 15. v. 9. ut sicut templo & hospitium Spir. S. I. Cor. 3. v. 6. Typum habemus. I. Reg. 18. v. 43. seqq. cum per longum tempus nulla decidisset pluvia, Elias ascendit montem Carmel, & precibus suis pluviam impetravit: Ita Christus ad cœli montes subiectus per ascensionem salutarem pluviam impetravit, Ps. 68. v. 10. Hoc tantum beneficium gratâ mente agnoscamus, & si velimus, ut ad nos quoque Spiritus ille gratia & precum descendant, opera tenebrarum abjiciamus, & sobriè, justè & piè vivamus in hoc mundo, ut Paulus monet, Tit. 2. v. 12. Rom. 13. v. 12.

De Secundo.

Restat ut dicamus etiam aliquid de *Spiritus Sancti officio*, quod triplex est juxta ipsius Christi descriptionem.

I. *Consolatorium*. Nam paracletum vocat, quod vocabulum forensē est, & advocatum notat, qui causam clientis in foro coram tribunali fideliter agit, ne ipsi fiat injuria. Hoc est proprium Sp. S. officium, quod exercet

I. *Tempore externæ tribulationis*, quando vel in exilium relegamur cum Elia, I. Reg. 19. v. 3. vel in carcerem detrudimur cum Micha, I. Reg. 22. v. 27. vel omnibus bonis spoliari cum Jobo c. I. v. 13. vel diu-

turno morbo affligimur cum paralytico, Joh. 5. v. 5. ibi Spiritus S. adjuvat infirmitatem nostram, Rom. 8. v. 26. unde Spiritus robotis vocatur, Esa. 11. v. 2. cuius rei exemplum habemus in Apostolis, Act. 5. v. 41.

2. *Tempore internæ temptationis*, quando Satanás, telis suis ignitis nos adoritur, Eph. 6. v. 16. & dies noctesque nos accusat coram Deo, Ap. 12. v. 10. Ibi Spiritus S. ὑπερεγνυχáves plus quam interpellat pro nobis, Rom. 8. vers. 26. immo certos nos reddit de οὐδετερίᾳ, Gal. 4. v. 6. & gratiofa Dei inhabitatione. I. Joh. 4. v. 13.

3. *Tempore ultima emigrationis*, ibi perhibet testimonium spiritui nostro, & meritum Christi revocat, qui morti venenum & inferno pestis factus est, ut nos ex potestate tenebrarum liberaret, Os. 13. v. 14. adeoque mortem nostram in dulcem somnum transmutavit, & viam ad cœlestem patriam aperuit: Hæc consolatio in morituris spirituale gaudium accedit, ut cum Jobo exclamat Job. 19. v. 25. Scio quod redemptor meus vivit, &c. & cum Paulo, bonum certamen certavi, &c. 2. Tim. 4. v. 7.

II. *Reprehensorium*. Quia enim Spiritus S. tales in mundo homines invenit, qui occecati sunt à Diabolo, & juxta normam verbi divini non incedunt, alio modo officium suum exercet, nimitem arguendo & reprehendendo, quod tamen non facit immediate, sed per præcones verbi tanquam suos in hoc opere ministros, unde sal terræ à Christo vocantur, Matth. 5. v. 13. quia non merum mel vel sacharum, sed etiam sal interdum, id est, acerbas increpationes adhibere debent, quo sal corrupta caro nostra indiget, ut ab æterno exitio præservetur.

Versatur autem circa triplex objectum, quorum

I. Eß